



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. LXIII. Deus Deus meus ad te de luce uigilo, &c. Carm. gen. 18.

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

Confide stultis uiribus.
 Opes abundant affluenter ne bonis
 Da rebus animum credulum.
 Semel est professus: nec semel tantum Deum
 Id profitentem audiuimus,
 Se posse solum cuncta, se solum bonum,
 Et arbitrum rerum unicum:
 Bonis benignum semper & placabilem,
 Malisq; formidabilem.

PSAL. LXIII. Deus Deus meus ad te de
 luce uigilo, &c. Carm. gen. 18.

Deus, salutis auctor & custos meæ,
 Te ueneror roseus quū fugat astra dies.
 Temens anhelat, membra sitiunt languida,
 Terra uelut pluuias arida querit aquas.
 Quamuis arenas aridas æstu colam,
 Præsentem Dominum mēs uidet usq; meū,
 Non aliter, adyta arcana quam si conspicer,
 Numinis adseruant quæ monumenta tui.
 Nec dulcis æquè uita est quam benignitas
 Qua uitam munis prosequerisq; meam.
 Ergo remotis dissitus quamuis locis,
 Præsidio tutus te celebrabo tuo:
 Tui sonabunt nominis præconia
 Quæ dederis uitæ tempora cunq; meæ.
 Nec uictus æquè recreat corpus tua
 Excitat ut mentem laus celebrata meam,
 Tu nocte carmen, manè tu carmen mihi es:
 Tu trepido præsens fers mihi semper opē.
 Securus alis conquiesco sub tuis:

H iii

Teq; procul curis & tua facta canam.
 Te quærit animus, te colit, te deperit:
 Tu ualida fulcis me pater alme manu.
 At qui laborant per nefas me perdere,
 Consilijs prauis digna ruina premet.
 Ferro profundeat spiritum nefarium:
 Membra dabunt audis dilanianda lupis.
 Rex lætus autem uindicem agnoscet Deum,
 Et quicunq; Dei numina ritè colunt.
 Metu stupentes conticescent impij,
 Spe stolida fluxis qui tumuere bonis.

PSAL. LXIIII. Exaudi Deus orationem

meam, &c.

Carm. gen. 8.

AVdi sancte parens non tetricus preces
 Te poscentis opem rebus in asperis:
 Et fallacis ab hostis
 Vitam fraudibus eripe.
 Prauorum tacitis factio me dolis
 Oppugnat, trucibus consilijs fremunt
 Conspirantq; ictestri:
 Tu me dux bonus eripe.
 Linguas ceu gladios exacuunt suos:
 Oris pestiferi uerba nefaria
 Intentant, medicata
 Tanquam spicula toxicō,
 Ut rectos animi ex insidijs petant.
 Et securi auida mente coquunt nefas:
 Nec quenquam malefacti "
 Formidant fore uindicem "
 Designant animis horrificum scelus,

Et